



ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ

ՀԱՆՐԱՅԻՆ ԾԱՌԱՅՈՒԹՅՈՒՆՆԵՐԸ ԿԱՐԳԱՎՈՐՈՂ ՀԱՆՁՆԱԺՈՂՈՎ

ՎԵՐԼՈՒԾԱԿԱՆ ՏԵՂԵԿԱՆՔ

«ՔոնթուրԳլոբալ Հիդրո Կասկադ» ՓԲԸ-ի կողմից 2018 թվականի 2-րդ եռամսյակում 196/18 ծածկագրով «Դյուրակիր համակարգիչների, դեսքթոփ համակարգիչների, մոնիտորների, աշխատանքային կայանների ձեռքբերման» մրցույթի մոնիթորինգի արդյունքների վերաբերյալ

ԵՐԵՎԱՆ 2018

**«ՔոնթուրԳլոբալ Հիդրո Կասկադ» ՓԲԸ-ի գնումների առանձին
գործարքների մոնիթորինգի արդյունքները**

Մոնիթորինգի իրականացման հիմքը՝ ՀՀ հանրային ծառայությունները կարգավորող հանձնաժողովի (այսուհետ՝ Հանձնաժողով) 2014 թվականի հունիսի 25-ի №207Ա որոշմամբ (այսուհետ՝ Որոշում 1) հանրային կազմակերպությունների գնումների կարգերի նկատմամբ սահմանված լրացուցիչ պահանջների կատարման մոնիթորինգի կարգ:

Մոնիթորինգի օբյեկտը՝ «ՔոնթուրԳլոբալ Հիդրո Կասկադ» ՓԲԸ (այսուհետ նաև Ընկերություն):

Մոնիթորինգի առարկան՝ Ընկերության կողմից 2018 թվականի 2-րդ եռամսյակի ընթացքում իրականացված գնումների առանձին գործարքները:

Մոնիթորինգի նպատակը՝ Ընկերության կողմից կատարված գնումների առանձին գործարքների արդյունավետության ուսումնասիրություն և համապատասխանության գնահատում Հանձնաժողովի 2017 թվականի սեպտեմբերի 13-ի №391Ա որոշմամբ (այսուհետ՝ Որոշում 2) սահմանված լրացուցիչ պահանջներին:

Մոնիթորինգի իրականացման ժամկետը՝ 2018 թվականի հոկտեմբերի 25-ից մինչև 2018 թվականի նոյեմբերի 30-ը:

Մոնիթորինգի մեթոդաբանությունը՝ Ընկերության գնումների առանձին գործարքների մոնիթորինգն իրականացվել է ընկերության կողմից մինչև գնման հայտարարությունն իրականացված շուկայի ուսումնասիրության, գործարքի համար կիրառվող գնման մեթոդի ընտրության, մրցութային փաստաթղթերի և մատակարարի ընտրության ընթացակարգի մոնիթորինգի միջոցով:

**«Դյուրակիր համակարգիչների, դեսքթոփ համակարգիչների,
մոնիտորների, աշխատանքային կայանների ձեռքբերման» բաց մրցույթ**

«ՔոնթուրԳլոբալ Հիդրո Կասկադ» ՓԲԸ-ն՝ հիմք ընդունելով Ընկերության կողմից հաստատված գնումների կարգի 7.4.2 կետը կազմակերպել և անցկացրել է «ՔոնթուրԳլոբալ Հիդրո Կասկադ» ՓԲԸ-ի կարիքների համար «Դյուրակիր համակարգիչների, դեսքթոփ համակարգիչների, մոնիտորների, աշխատանքային կայանների ձեռքբերման» բաց մրցույթ:

Հայտարարությունը ընկերության կայքում և ֆինանսների նախարարության էլեկտրոնային տեղեկագրում հրապարակվել է 2018 թվականի ապրիլի 13-ին՝ հայտերի ներկայացման վերջնաժամկետ սահմանելով 2018 թվականի ապրիլի 30-ը:

Մրցույթի հայտարարումից հետո բաց առաջարկների հարցման հրավերին համապատասխան կարգով հայտ է ներկայացրել 2 մասնակից՝ «Լանս» ՍՊԸ-ն և «Էֆ-Լայն Թրեյդինգ» ՍՊԸ-ն: Հարկ է նշել, որ գնման առարկայի տեխնիկական բնութագրում նշված է գնման առարկաների ֆիրմային անվանումը, մոդելը, ինչը հղում է առևտրային նշանի: Նշվածը հակասում է Որոշում 2-ով սահմանված լրացուցիչ պահանջներին: Տվյալ դեպքում գնման առարկայի նկարագիրը հնարավոր էր իրականացնել ապրանքի բնութագրերի մանրակրկիտ սահմանմամբ:

2018 թվականի ապրիլի 30-ին կայացած տեխնիկական առաջարկների գնահատման նիստի ընթացքում մրցութային հանձնաժողովի կողմից մասնակիցների ներկայացված տեխնիկական առաջարկները գնահատվել են որպես հրավերի և գնումների ուղեցույցի պահանջներին համապատասխան և հնարավորություն է տրվել մասնակցել էլեկտրոնային եղանակով գնային առաջարկ ներկայացնելու փուլին: Ներկայացված գնային առաջարկները բերված են ստորև.

Ընկերության անվանումը	Ներկայացված գնային առաջարկները հազ. դրամ (առանց ԱԱՀ)
1	2
«Լանս» ՍՊԸ	7 000,0
«Էֆ-Լայն Թրեյդինգ» ՍՊԸ	8 297,1

Հաղթող է ճանաչվել «Լանս» ՍՊԸ-ն՝ հայտի գինը 7 մլն ՀՀ դրամ, առանց ԱԱՀ: Պայմանագիրը կնքվել է 2018 թվականի մայիսի 29-ին՝ 16,7 մլն դրամ՝ առանց ԱԱՀ-ն, արժեքով: Մատակարարման ժամկետ է սահմանվել պայմանագրի կնքման պահից 50 օրացուցային օր: Մրցութային հայտի գնի և պայմանագրի արժեքի տարբերությունը պայմանավորված է ներդրումային ծրագրի շրջանակից դուրս միջոցներով ձեռք բերված ապրանքների լրացուցիչ քանակության հետ, ինչը դուրս է հանձնաժողովի իրավասությունների շրջանակից:

«ՔոնթուրԳլոբալ Հիդրո Կասկադ» ՓԲԸ-ի կարիքների համար «Դյուրակիր համակարգիչների, դեսքթոփ համակարգիչների, մոնիտորների, աշխատանքային կայանների ձեռքբերման» բաց մրցույթի փաստաթղթերի ուսումնասիրության արդյունքում կարելի է փաստել որ.

1. «ՔոնթուրԳլոբալ Հիդրո Կասկադ» ՓԲԸ-ն գնման ընթացակարգի փաստաթղթերը և գնման առարկայի տեխնիկական բնութագրերը կազմել է թերի, մասնավորապես գնման առարկայի տեխնիկական բնութագիրը պարունակում է հղում առևտրային նշանին, ֆիրմային անվանմանը: Առանց նշված հղումների բնութագիր ներկայացնելու անհնարինության դեպքում, բնութագիրը պետք է պարունակի «կամ համարժեք» բառերը, ինչը նշված է միայն գնման առարկայի տեխնիկական բնութագրում: Վերը նշվածը հանձնաժողովի 2017 թվականի սեպտեմբերի 13-ի №391Ա որոշման 6-րդ կետի 5-րդ ենթակետի պահանջների խախտում է:
2. Նախքան մրցույթ հայտարարելն Ընկերությունն իրականացրել է շուկայի ուսումնասիրություն, ինչի վերաբերյալ փաստաթղթերը կցված են մրցութային փաթեթին:

3. Պայմանագրով սահմանվել է վճարման ողջամիտ ժամկետ:

4. Պայմանագիրը կնքվել է 16,7 մլն դրամ ծավալով, մինչդեռ մրցութային հայտի գինը 7 մլն դրամ էր:

Նշված թերության վերաբերյալ հանձնաժողովն իր դիտողությունները ներկայացրել էր նաև նախորդ տարիների առանձին գործարքների մոնիթորինգի արդյունքների վերաբերյալ վերլուծական տեղեկանքներում:

Այս համատեքստում հարկ է նշել, որ գնումների գործընթացների թերի կազմակերպման արդյունքում շուկայականից բարձր գներով ձեռք բերված ապրանքների, աշխատանքների և ծառայությունների արժեքները (շուկայական գները գերազանցող չափով) հաշվի չեն առնվի ընկերության սակագներում:



ԱՊՐԱՆՔՆԵՐԻ ԵՎ/ԿԱՄ ԾԱՌԱՅՈՒԹՅՈՒՆՆԵՐԻ ԳՆՄԱՆ ԳՈՐԾԸՆԹԱՑԻ ՍՏՈՒԳԱԹԵՐԹ

Ընկերության անվանում «ՔոնթուրԳլոբալ Հիդրո Կասկադ» ՓԲԸ

Գնման անվանումը «Դյուրակիր համակարգիչների, դեսքթոփ համակարգիչների, մոնիտորների, աշխատանքային կայանների ձեռքբերման»

Գնման ծածկագիրը 196/18

Գնման ձևը Բաց մրցույթ

ԲՈԼՈՐ ՓՈՒԼԵՐԸ

	Ստուգաթերթի պայման	Ա	Ո	Չ/Ո	Մեկնաբանություններ
1	Համարժեք և համապատասխան գրառումները պահպանվում են գնումների գործընթացի ողջ ընթացքում և մոնիթորինգ իրականացնելու համար բավարար տեղեկատվություն են պարունակում	☒	☐	☐	

ԳՆՄԱՆ ՊԼԱՆԱՎՈՐՈՒՄ

	Ստուգաթերթի պայման	Ա	Ո	Չ/Ո	Մեկնաբանություններ
2	Գնման հայտը հաստատել է կազմակերպության գործադիր մարմնի ղեկավարը կամ վերջինիս կողմից լիազորված անձը	☒	☐	☐	
3	Գործարքի համար կիրառվող գնման մեթոդի ընտրությունը ճիշտ է կատարվել	☒	☐	☐	

	Ստուգաթերթի պայման	Ա	Ո	Զ/Ո	Մեկնաբանություններ
4	Մինչև գնումների հրավերների հրապարակելն իրականացվել է համապատասխան շուկայի ուսումնասիրություն (փաստաթղթերը կցված են)	☒	☐	☐	
5	Գնման գործընթացի արդյունավետ իրականացման, ոչ մրցութային եղանակով գնումների ծավալի նվազեցման նպատակով՝ ընկերությունը իր վեբ կայքում և գնումների էլեկտրոնային տեղեկագրում հրապարակելուց բացի դիմել է արդյոք այլ միջոցների մասնակիցների շրջանակը ընդլայնելու և նրանց միջև մրցակցության խրախուսման համար	☒	☐	☐	Հայտարարությունը հրապարակվել է նաև www.tender.am կայքում և «Հայկական ժամանակ» օրաթերթում:
6	Մասնակից մատակարարների հայտերի ընդունման գործընթացում ապահովվել է արդարությունն ու անկողմնակալությունը	☐	☒	☐	Պայմանագիրը կնքվել է 16,7 մլն դրամ ծավալով, մինչդեռ մրցութային հայտի գինը 7 մլն դրամ էր: Գնման առարկայի տեխնիկական բնութագրում նշված է գնման առարկաների ֆիրմային անվանումը, մոդելը, ինչը հղում է առևտրային նշանի:

ԳՆՈՒՄՆԵՐԻ ՆԱԽԱՊԱՏՐԱՍՏՈՒՄ

	Ստուգաթերթի պայման	Ա	Ո	Զ/Ո	Մեկնաբանություններ
7	Ապահովվել են հավասար մրցակցային պայմաններ հնարավոր մասնակիցների համար	☐	☒	☐	Պայմանագիրը կնքվել է 16,7 մլն դրամ ծավալով, մինչդեռ մրցութային հայտի գինը 7 մլն դրամ էր: Գնման առարկայի տեխնիկական բնութագրում նշված է գնման առարկաների ֆիրմային անվանումը, մոդելը, ինչը հղում է առևտրային նշանի:
8	Գնման առարկայի բնութագիրը հանգեցնում է գնումների գործընթացում մրցակցության համար չհիմնավորված խոչընդոտների առաջացմանը	☒	☐	☐	Գնման առարկայի տեխնիկական բնութագրում նշված է գնման առարկաների ֆիրմային անվանումը, մոդելը, ինչը հղում է առևտրային նշանի:
9	Գնումը օբյեկտիվորեն հիմնավորված է և համարժեք է այն կարիքին, որի բավարարման նպատակով	☒	☐	☐	

կատարվում է

- 10 Մանրամասն ներկայացված են գնման ընթացակարգի փաստաթղթերը ☒ ☐ ☐
- 11 Պատշաճ ձևով ներկայացված են ապրանքների տեխնիկական բնութագրերը, իսկ աշխատանքների կամ ծառայությունների դեպքում՝ ամբողջական նկարագրությունը ☒ ☐ ☐
- 12 Ամբողջությամբ և հստակ նկարագրված են ապրանքի, աշխատանքի կամ ծառայության ձեռքբերման և վճարման պայմանները՝ բացառելով տարմենաբանությունը ☒ ☐ ☐
- 13 Գնման առարկայի հատկանիշները պահանջ կամ հղում են պարունակում որևէ առևտրային նշանի, ֆիրմային անվանման, արտոնագրի, էսքիզի կամ մոդելի, ծագման երկրի, կոնկրետ աղբյուրի կամ արտադրողի ☒ ☐ ☐ Գնման առարկայի տեխնիկական բնութագրում նշված է գնման առարկաների ֆիրմային անվանումը, մոդելը, ինչը հղում է առևտրային նշանի:

ՊԱՅՄԱՆԱԳՐԻ ԿՆՔՈՒՄ

Ստուգաթերթի պայման	Ա	Ո	Զ/Ո	Մեկնաբանություններ
14 Հայտերի գնահատման ընթացակարգը ընթացել է արդար և անկողմնակալ	☒	☐	☐	
15 Պայմանագիր կնքելու մասին որոշումը պարունակում է ամփոփ տեղեկատվություն հայտերի գնահատման և ընտրված մասնակցի ընտրությունը հիմնավորող պատճառների մասին	☐	☒	☐	

	Ստուգաթերթի պայման	Ա	Ո	Զ/Ո	Մեկնաբանություններ
16	Հայտերի գնահատման ժամանակ ապահովվել է հատուցում արժեքի դիմաց սկզբունքը	☒	☐	☐	
17	Պայմանագրի գնի հաշվարկը ներառում է տվյալ գնման պայմանագրի կատարումն ապահովելու նպատակով կատարվելիք բոլոր վճարները (ծախսերը)	☐	☐	☒	Պայմանագիրը կնքվել է 16,7 մլն դրամ ծավալով, մինչդեռ մրցութային հայտի գինը 7 մլն դրամ էր:

ՊԱՅՄԱՆԱԳՐԻ ԿԱՏԱՐՈՒՄ

	Ստուգաթերթի պայման	Ա	Ո	Զ/Ո	Մեկնաբանություններ
18	Սահմանվել է վճարման ողջամիտ ժամկետ	☒	☐	☐	
19	Գնման պայմանագիրը կատարվել է պատշաճ մակարդակով	☒	☐	☐	
20	Գնման առարկայի արժեքը համապատասխան է շուկայական արժեքին	☒	☐	☐	